

Կազմված է 2020 թ.
Բաղկացած է 12 թերթից
Տպագրված է ընդամենը 4 օրինակ
ՕՐԻՆԱԿ 1

ՀԱՍՏԱՏՎԱԾ Է

Հայաստանի Հանրապետության կրթության,
գիտության, մշակույթի և սպորտի նախարարի
2020 թվականի 08 07-ի

№ 997-4/2 հրամանով

Նախարար՝

 Ա. Հարությունյան

« 07 » 08 2020 թ.

ԳՐԱՆՑՎԱԾ Է

Հայաստանի Հանրապետության
արդարադատության նախարարության
իրավաբանական անձանց պետական ռեգիստրի
կողմից 20.06.2005 թ.

Գրանցման թիվ 290.210.03208

Վկայական 03Ա068257

ՀՎՀՀ 01837784

26.08.2020 թ. գրանցված կանոնադրության
թիվ _____ փոփոխությունը

գրանցվել է Հայաստանի Հանրապետության
արդարադատության նախարարության
իրավաբանական անձանց
պետական ռեգիստրի կողմից

« 16 » 10 2020 թ.

Կ Ա Ն Ո Ն Ա Դ Ր ՈՒ Թ Յ ՈՒ Ն
« ՀԱԿԱԴՊՊԻՆԳԱՅԻՆ ԳՈՐԾԱԿԱԼՈՒԹՅՈՒՆ » ՊԵՏԱԿԱՆ ՈՋ
ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ
(նոր խմբագրություն)

Երևան 2020 թ.

1. ԸՆԴՀԱՆՈՒՐ ԴՐՈՒՅԹՆԵՐ

1. **«Հակադոպինգային գործակալություն»** պետական ոչ առևտրային կազմակերպությունը (այսուհետ՝ Կազմակերպություն) շահույթ չհետապնդող իրավաբանական անձ է և հակադոպինգային գործունեություն իրականացնելու համար ֆիզիկական կուլտուրայի և սպորտի բնագավառում ոչ առևտրային իրավաբանական անձանց կարգավիճակ ունի ինչպես սահմանված է Համաշխարհային հակադոպինգային օրենսգրքում, և Հայաստանի Հանրապետությունում հաստատվել են 2020 թվականի հուլիսի 9-ին ՀՀ-ում հակադոպինգային ծրագրերն իրականացնելու համար և Հայաստանի Հանրապետության կառավարության 2005 թվականի մարտի 24-ի N 441-Ն որոշման մեջ փոփոխություններ կատարելու մասին» N 1156 որոշմամբ՝ «Սպորտային բժշկության և հակադոպինգային ծառայության հանրապետական կենտրոն» պետական ոչ առևտրային կազմակերպությունը (պետական գրանցման համարը՝ 290.210.03208) վերանվանելու միջոցով:

2. Կազմակերպության հիմնադիրն է Հայաստանի Հանրապետությունը՝ ի դեմս Հայաստանի Հանրապետության կառավարության:

3. Կազմակերպությունը ստեղծված է համարվում օրենքով սահմանված կարգով պետական գրանցման պահից՝ առանց ժամկետային սահմանափակման: Նրա գործունեությունը կարգավորվում է Հայաստանի Հանրապետության քաղաքացիական օրենսգրքով, «Պետական ոչ առևտրային կազմակերպությունների մասին» Հայաստանի Հանրապետության օրենքով (այսուհետ՝ Օրենք), այլ իրավական ակտերով և սույն կանոնադրությամբ:

4. Կազմակերպությունը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով:

5. Կազմակերպությունը պատասխանատվություն չի կրում հիմնադրի պարտավորությունների համար, իսկ կազմակերպությունը ստորագրում է «Համաշխարհային հակադոպինգային Օրենսգրքի» և որպես այդպիսին պատասխանատու է Օրենսգրքով նախատեսված իր պարտավորությունների կատարման համար:

6. Հիմնադիրը պատասխանատվություն է կրում մինչև Կազմակերպության պետական գրանցումը ծագած պետական կազմակերպության ստեղծման հետ կապված պարտավորությունների համար:

7. Կազմակերպությունը կարող է իր անունից ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

8. Կազմակերպությունն այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:

9. Կազմակերպությունն ունի Հայաստանի Հանրապետության պետական զինանշանի պատկերով և կազմակերպության հայերեն անվամբ կլոր կնիք, ձևաթղթեր, խորհրդանիշ, անհատականացման այլ միջոցներ, ինքնուրույն հաշվեկշիռ և հաշվարկային հաշիվ բանկերում:

10. Կազմակերպության անվանումն է՝

հայերեն լրիվ՝ «**Հակադոպինգային գործակալություն**» պետական ոչ առևտրային կազմակերպություն,

հայերեն կրճատ՝ «**Հակադոպինգային գործակալություն**» ՊՈԱԿ,

ռուսերեն լրիվ՝ «**Антидопинговое агентство**» государственная некоммерческая организация,

ռուսերեն կրճատ՝ «**Антидопинговое агентство**» ГНКО,

անգլերեն լրիվ՝ «**Anti-Doping Agency**» State non-commercial organization,

անգլերեն կրճատ՝ «**Anti-Doping Agency**» SNCO

logotype(**ARM-NADO**)

11. Կազմակերպության գտնվելու վայրն է՝ ՀՀ, ք. Երևան - 040, Աճառյան 2/6:

II. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ, ՆՊԱՏԱԿՆԵՐԸ ԵՎ ԿԱԶՄԱԿԵՐՊՈՒՄԸ

12. Կազմակերպության գործունեության նպատակն է՝ Հայաստանի Հանրապետության մարզիկների մրցումային և արտամրցումային դոպինգ ստուգումը, սպորտում արգելված նյութերի և մեթոդների օգտագործման դեմ ուղղված կանխարգելիչ ծրագրերի իրականացումը ըստ գործող «Համաշխարհային հակադոպինգային Օրենսգրքի» և միջազգային ստանդարտների:

13. Կազմակերպության գործունեության առարկան է՝ Հայաստանի Հանրապետությունում հակադոպինգային ծրագրերի մշակումը և իրականացումը:

14. Կազմակերպությունն իր գործունեությունը կազմակերպում է՝ իրականացնելով.

1) իր գործնական որոշումները կայացնելիս լինել անկախ պետական և հասարակական կազմակերպություններից (մարմիններից), ներառյալ առանց սահմանափակումների արգելելը սպորտի կամ հակադոպինգային ոլորտի համար պատասխանատու որևէ անձի որևէ ներգրավվածություն, այդ թվում ցանկացած միջազգային ֆեդերացիայի, ազգային ֆեդերացիայի, խոշոր մրցումների կազմկոմիտեի, Ազգային օլիմպիական կոմիտե, Պարալիմպիկ ազգային կոմիտե կամ կայացվող գործնական որոշումների վրա այլ պետական և հասարակական կազմակերպության ներկայացուցչի ազդելը,

2) իր բոլոր գործողությունների իրականացման ապահովում համաձայն «Համաշխարհային հակադոպինգային Օրենսգրքի» և միջազգային ստանդարտների,

3) ազգային առաջնությունների ժամանակ ինչպես նաև արտամրցումային ժամանակահատվածում ցանկացած մարզիկի (այդ թվում նաև որակագրված մարզիկների) դոպինգ ստուգման իրականացումը առանց նախապես տեղյակ պահելու ըստ Համաշխարհային Հակադոպինգային Գործակալության չափորոշիչների,

4) սպորտում արգելված նյութերի և մեթոդների օգտագործման կանխարգելմանը ուղղված հակադոպինգային կրթական սեմինարների իրականացում ըստ Միջազգային Կրթական Ստանդարտի պահանջների,

5) Մարզիկների, մարզիկներին աջակցող անձնակազմի և այլ անձանց կողմից սպորտում արգելված նյութերի և մեթոդների օգտագործումը կանխելու նպատակով Համաշխարհային Հակադոպինգային Գործակալության կողմից հաստատված և/կամ վերանայված արգելված նյութերի և մեթոդների ցուցակի, ինչպես նաև ստորտում չարգելված դեղերի ցուցակի, տեսանյութերի և բրոշյուրների հայերեն տարբերակի պատրաստում և հրատարակում, առնվազն տարին մեկ անգամ,

6) հակադոպինգային գործունեությունը կազմակերպելու նպատակով մարզիկների գտնվելու վայրի մասին տվյալների հավաքագրում,

7) ՀՀ մարզիկների թեստավորման պլանավորում և իրականացում իր լիազորությունների շրջանակներում ըստ «Համաշխարհային հակադոպինգային Օրենսգրքի» և Համաշխարհային չափորոշիչների պահանջների,

8) Համաշխարհային հակադոպինգային գործակալության Հակադոպինգային կառավարման համակարգի (ADAMS) միջոցով մարզիկների դոպինգ ստուգման հետ կապված տվյալների գաղտնիության ապահովման գործընթացների ապահովում,

9) «Համաշխարհային հակադոպինգային Օրենսգրքի» և Համաշխարհային չափորոշիչների պահանջների համապատասխանության գործընթացների իրականացում,

10) Համաշխարհային հակադոպինգային գործակալության կողմից արտոնագրված կամ հաստատված հակադոպինգային լաբորատորիաներից ստացված արդյունքների և մարզիկների կենսաբանական անձնագրի տվյալների վերլուծության իրականացում,

11) բուժման նպատակով արգելված նյութերի և մեթոդների օգտագործման թույլտվություն տրամադրելու գործընթացի իրականացում,

12) հակադոպինգային կանոնակարգերի մշակում և հաստատում ըստ գործող «Համաշխարհային հակադոպինգային Օրենսգրքի» և դրանց կիրառումը ՀՀ տարածքում,

13) հակադոպինգային կանոնների խախտումների հետ կապված անկախ Կարգապահական կոմիտեի կողմից լուծման անցկացումը և պատժամիջոցների կիրառում,

14) Մարզիկների, մարզիկների աջակցող անձնակազմի և այլ անձանց կենսաբանական անձնագրում անբարենպաստ փորձաքննության կամ անբարենպաստ արդյունքների հայտնաբերումից հետո ժամանակավոր կասեցում նշանակելը, ինչպես նաև չեղյալ համարել այն մրցումների արդյունքները, որի ընթացքում տեղի է ունեցել

հակադոպինգային կանոնների խախտում, ընդունել հակադոպինգային կանոնների խախտման վերաբերյալ որոշում և համապատասխան հետևանքներ սահմանել մարզիկների համար,

15) Համաշխարհային հակադոպինգային գործակալության (ՀՀԳ), Արտոնագրված հակադոպինգային լաբորատորիաների, Եվրոխորհրդի, ՅՈՒՆԵՍԿՕ-ի, Միջազգային թեստավորման գործակալության և դոպինգ ստուգման համար անհրաժեշտ սարքավորումների արտոնագրված արտադրողների հետ մշտական կապի ապահովում

16) ՀՀԳ-ի, Եվրոխորհրդի և ՅՈՒՆԵՍԿՕ-ի կողմից ացկացվող աուդիտների և մոնիտորինգային հարցաթերի իրականացմանը մասնակցություն

17) համագործակցում միջազգային և այլ ազգային Հակադոպինգային կազմակերպությունների և գործակալությունների հետ

18) հակադոպինգային կանոնների բոլոր հնարավոր խախտումների հետազոտում և հետաքննում՝ իր լիազորությունների շրջանակներում, ներառյալ հետաքննությունը, թե արդյոք մարզիկների աջակցող անձնակազմը կամ այլ անձինք կարող են ներգրավված լինեն կանոնների խախտման յուրաքանչյուր դեպքում ապահովելով պատժամիջոցների պատշաճ կիրառում.

19) հակադոպինգային ոլորտում գիտական հետազոտությունների նախաձեռնում և իրականացում:

15. Կազմակերպությունն իր գործնեությունն իրականացնում է կառուցվածքային ստորաբաժանումների միջոցով, որոնց իրավասությունները՝ համապատասխանեցված «Համաշխարհային հակադոպինգային Օրենսգրքի» պահանջներին, համաձայնեցվում են Հայաստանի Հանրապետության կրթության, գիտության, մշակույթի և սպորտի նախարարության (այսուհետ՝ Նախարարություն) հետ և հաստատվում տնօրենի կողմից:

16. Կազմակերպությունը կարող է իրականացնել ձեռնարկատիրական գործունեության հետևյալ տեսակները՝

1) միջազգային թեստավորման գործակալության կամ Հայաստանի Հանրապետության տարածքում տեղի ունեցող միջազգային մրցաշարերի ժամանակ միջազգային ֆեդերացիաների կամ մրցումների կազմկոմիտեի նախաձեռնությամբ՝ պայմանագրային հիմքերով մարզիկների թեստավորում,

2) գիտական կազմակերպությունների (արտերկրյա համալսարաններ) կամ Համաշխարհային հակադոպինգային գործակալության կամ ազգային ֆեդերացիաների պատվերով գիտական հետազոտությունների և հակադոպինգային կրթական ծրագրերի իրականացում՝ պայմանագրային հիմունքներով:

III. ԿԱԶՄԱԿԵՐՊՈՒԹՅԱՆ ԿԱՌԱՎԱՐՈՒՄԸ

17. Կազմակերպության կառավարումն իրականացնում են հիմնադիրը, նրա լիազորված պետական մարմինը և գործադիր մարմինը:

18. Կազմակերպության հիմնադիրն իրավունք ունի վերջնականապես լուծել կազմակերպության գործունեության և կառավարման հետ կապված ցանկացած հարց, բացառությամբ այն դեպքերից որոնք կարգավորվում ՀՀ օրենքով կամ կապված են մարզիկների թեստավորման և որակագրկման հետ:

19. Կազմակերպության ղեկավարության լիազորությունները, ինչպես նաև օրենքի 13-րդ հոդվածի երկրորդ մասի «գ», «դ», «ե» և «է» ենթակետերը վերապահվում են Նախարարությանը՝ համաձայն Հայաստանի Հանրապետության կառավարության 2005 թվականի մարտի 24-ի «Պետական ոչ առևտրային կազմակերպության ստեղծման մասին» N 441-Ն որոշում :

20. Նախարարությունն իրականացնում է Կազմակերպության ընդհանուր կառավարումը, ապահովում է նրա բնականոն գործունեությունը և պատասխանատու է դրանց չկատարման կամ ոչ պատշաճ իրականացման համար՝ միաժամանակ հարգելով կազմակերպության գործառնական անկախությունը մարզիկների թեստավորման և որակագրկման հետ կապված հարցերում:

21. Նախարարությունը՝

1) սույն կանոնադրությամբ սահմանված կարգով իրականացնում է նրա կառավարման մարմինների ձևավորումը և նրանց լիազորությունների վաղաժամկետ դադարեցումը,

2) իրականացնում է Կազմակերպության գործունեության վերահսկողությունը,

3) կասեցնում կամ ուժը կորցրած է ճանաչում Կազմակերպության գործադիր մարմնի հրամանները, հրահանգները և ցուցումները, որոնք հակասում են Հայաստանի Հանրապետության օրենսդրության պահանջներին,

4) լսում է Կազմակերպության գործունեության մասին հաշվետվություններ, քննում է դրանց գործունեության վերստուգման արդյունքները,

5) վերահսկողություն է իրականացնում Կազմակերպությանն ամրացված պետական սեփականության օգտագործման և պահպանության նկատմամբ,

6) վերահսկողություն է իրականացնում Կազմակերպության սեփականության պահպանման նկատմամբ, իսկ օրենքով, հիմնադրի որոշմամբ կամ սույն կանոնադրությամբ նախատեսված դեպքերում համաձայնություն է տալիս նրա գույքի օտարման կամ վարձակալության հանձնման համար,

7) հաստատում է Կազմակերպության տարեկան հաշվետվությունները և տարեկան հաշվեկշիռը

8) իրականացնում է օրենքով, հիմնադրի որոշումներով և սույն կանոնադրությամբ նախատեսված այլ գործառույթներ հարգելով կազմակերպության գործառնական անկախությունը մարզիկների թեստավորման և որակագրկման հետ կապված հարցերում :

22. Կազմակերպության ընթացիկ գործունեության ղեկավարումն իրականացնում է գործադիր տնօրենը, որին նշանակում և ազատում է Հայաստանի Հանրապետության

կրթության, գիտության, մշակույթի և սպորտի նախարարը (այսուհետ՝ Նախարար) 32-րդ հոդվածով սահմանված կարգով:

23. Կազմակերպության տնօրենն իրեն վերապահված լիազորությունների սահմաններում ղեկավարում է Կազմակերպության գործունեությունը և կրում է պատասխանատվություն Հայաստանի Հանրապետության օրենքների, իրավական այլ ակտերի, հիմնադրի կամ լիազորված պետական մարմնի որոշումների, սույն կանոնադրության և կնքված պայմանագրերի պահանջները չկատարելու կամ ոչ պատշաճ կատարելու համար:

24. Կազմակերպության տնօրենի պաշտոնում կարող է նշանակվել Հայաստանի Հանրապետության գործունակ չափահաս քաղաքացին, որն ունի բարձրագույն կրթություն:

25. Կազմակերպության տնօրենը՝

- 1) կառավարում է կազմակերպության գործառնական գործունեության
- 2) առանց լիազորագրի հանդես է գալիս Կազմակերպության անունից, ներկայացնում է նրա շահերը և կնքում է գործարքներ,
- 3) օրենսդրությամբ, հիմնադրի և լիազորված պետական մարմնի որոշումներով և սույն կանոնադրությամբ սահմանված կարգով տնօրինում է Կազմակերպության գույքը, այդ թվում ֆինանսական միջոցները,
- 4) տալիս է Կազմակերպության անունից հանդես գալու լիազորագրեր, այդ թվում վերալիազորման իրավունքով լիազորագրեր,
- 5) աշխատանքի է նշանակում և աշխատանքից ազատում է Կազմակերպության աշխատողներին, նրանց նկատմամբ կիրառում է խրախուսական միջոցներ և նշանակում կարգապահական տույժեր,
- 6) բանկերում բացում է հաշվարկային հաշիվներ,
- 7) սահմանում է Կազմակերպության կառուցվածքն ու կառուցվածքային ստորաբաժանումների իրավասությունը,
- 8) հաստատում է Կազմակերպության հիմնարկների, մասնաճյուղերի և ներկայացուցչությունների կանոնադրությունները,
- 9) նշանակում է Կազմակերպության հիմնարկների, մասնաճյուղերի և ներկայացուցչությունների ղեկավարներին, նրանց տալիս է համապատասխան լիազորագրեր,
- 10) օրենքով և սույն կանոնադրությամբ սահմանված իր լիազորությունների սահմաններում արձակում է հրամաններ, պահանջներ, տալիս է կատարման համար պարտադիր ցուցումներ և վերահսկում դրանց կատարումը,
- 11) ապահովում է ներքին աշխատանքային կարգապահության կանոնների, սանիտարական նորմերի, աշխատանքի պաշտպանության և անվտանգության տեխնիկայի պահանջների կատարումը,

12) իրականացնում է օրենսդրությանը չհակասող և Կազմակերպության կառավարման այլ մարմիններին չվերապահված այլ լիազորություններ,

26. Գործադիր մարմնի պաշտոնում չի կարող նշանակվել այն անձը՝

1) որը դատապարտվել է հանցագործության կատարման համար, և նրա դատվածությունը մարված կամ հանված չէ,

2) որին օրենքի համաձայն արգելվել է ղեկավար պաշտոններ զբաղեցնել,

3) որը նախընթաց երեք տարիների ընթացքում եղել է սնանկանալու պատճառով լուծարված և իրենց պարտատերերի օրինական պահանջները չբավարարված կազմակերպության ղեկավար,

4) որը երբևէ խախտել է հակադոպինգային կանոնները:

27. Տնօրենը չի կարող զբաղեցնել այլ պաշտոն կամ կատարել վճարովի այլ աշխատանք, բացի գիտական, մանկավարժական և ստեղծագործական աշխատանքից: Տնօրենը լրիվ գույքային պատասխանատվություն է կրում իր մեղքով Կազմակերպության և/կամ պետությանը պատճառած վնասի համար: Տնօրենի լիազորությունների դադարեցումը հիմք չէ պատճառած վնասը հատուցելու պարտականությունները չկատարելու համար:

28. Տնօրենը պարտավոր է չկատարել հիմնադրի, Նախարարի՝ օրենսդրությանը հակասող որոշումները, կարգադրությունները, հրամանները, հրահանգները և դրանց չկատարման համար չի կարող ենթարկվել պատասխանատվության:

29. Կազմակերպության տնօրենն ընտրվում է մրցութային կարգով:

30. Մրցույթում հաղթող ճանաչված անձի հետ Նախարարը, հիմնադրի անունից, կնքում է պայմանագիր՝ առավելագույնը 5 տարի ժամկետով: Պայմանագրում սահմանվում են տնօրենի իրավունքները, պարտականությունները և փոխհարաբերությունները լիազորված պետական մարմնի հետ, նրա աշխատանքի վարձատրման պայմանները, պայմանագրի դադարման օրենքով նախատեսված բոլոր հիմքերը և այլ դրույթներ, որոնք պայմանավորվող կողմերը անհրաժեշտ կգտնեն: Պայմանագրի դրույթները չեն կարող հակասել Հայաստանի Հանրապետության աշխատանքային օրենսդրության պահանջներին, բացառությամբ օրենքով նախատեսված դեպքերի:

31. Տնօրենի բացակայության դեպքում, իրեն նշանակող մարմնի գրավոր որոշման համաձայն, այդ լիազորություններն իրականացնում է մեկ այլ անձ:

32. Տնօրենի լիազորությունները դադարեցվում են նախարարի որոշմամբ, եթե՝

1) նա դիմում է այդ մասին,

2) լրացել է նրա 65 տարին,

3) նա իր գրավոր համաձայնությամբ ընտրվել կամ նշանակվել է այլ պաշտոնում, կամ անցել է իր պաշտոնի հետ անհամատեղելի այլ աշխատանքի,

4) ժամանակավոր անաշխատունակության հետևանքով նա ավելի քան չորս ամիս անընդմեջ չի ներկայացել աշխատանքի,

5) նա ավելի քան երեք օր անընդմեջ անհարգելի պատճառներով չի ներկայացել աշխատանքի,

6) նա նշանակվել է օրենքի պահանջների խախտմամբ,

7) նա իր գործառույթներն իրականացնելիս պետական կազմակերպությանը կամ պետությանն իր մեղքով հասցրել է վնաս, որի գումարը գերազանցում է Կազմակերպության սեփականության իրավունքով պատկանող գույքի արժեքի հինգ տոկոսը,

8) դատարանի օրինական ուժի մեջ մտած վճռի հիման վրա նա ճանաչվել է անգործունակ, սահմանափակ գործունակ, անհայտ բացակայող կամ մահացած,

9) օրինական ուժի մեջ է մտել նրա նկատմամբ կայացված մեղադրական դատավճիռը,

10) նա կորցրել է Հայաստանի Հանրապետության քաղաքացիությունը,

11) դատական կարգով նրա ղեկավարած պետական կազմակերպությունը ճանաչվել է սնանկ կամ այն ունի դատական կարգով որոշված և դատարանի կողմից համապատասխան վճիռն ընդունվելուց հետո վեց ամսվա ընթացքում, իր մեղքով չկատարված գույքային պարտավորություն,

12) չի վճարել կազմակերպության կողմից վճարվող հարկերը կամ սոցիալական ապահովագրության ֆոնդի վճարումները ուշացումով,

13) մեկ տարվա ընթացքում օրենքի խախտման համար ենթարկվել է կրկնակի կարգապահական պատասխանատվության:

IV. ԿԱԶՄԱԿԵՐՊՈՒԹՅԱՆ ԳՈՒՅՔԸ ԵՎ ՖԻՆԱՆՍԱԿԱՆ ԳՈՐԾՈՒՆԵՈՒԹՅՈՒՆԸ

33. Կազմակերպությունը ֆինանսավորվում է հիմնադրի կողմից, նրա սեփականությունը ձևավորվում է հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև Կազմակերպության գործունեության ընթացքում ձեռք բերված գույքից:

34. Կազմակերպությունն իրավունք ունի օրենքին, հիմնադրի որոշումներին և իր կանոնադրությանը համապատասխան իր հայեցողությամբ տիրապետելու, տնօրինելու և օգտագործելու սեփականության իրավունքով իրեն պատկանող գույքը:

35. Կազմակերպությունն է կրում իր սեփականության պահպանման հոգսը: Կազմակերպության սեփականության վրա կարող է բռնագանձում տարածվել միայն դատական կարգով:

36. Հիմնադիրն իրավունք ունի անժամկետ և անհատույց օգտագործման իրավունքով Կազմակերպությանն ամրագրել ցանկացած գույք: Հիմնադիրն իրավունք ունի հետ վերցնել իր կողմից Կազմակերպությանն ամրացված գույքը:

37. Կազմակերպությունն իրավունք չունի ամրացված գույքը կամ դրա նկատմամբ իրավունքներն օտարել, գրավ դնել, հանձնել անհատույց օգտագործման:

38. Կազմակերպությունն իրավունք ունի իրեն ամրացված գույքը պետության անունից հանձնել վարձակալության: Ամրացված գույքի վարձակալության ժամկետը մեկ տարուց ավելի չի կարող սահմանվել:

39. Ամրացված գույքի օգտագործման արդյունքում Կազմակերպության ստացած եկամուտները Կազմակերպության սեփականությունն են:

40. Կազմակերպությանն ամրացված գույքի օգտագործման ընթացքում առաջացած անբաժանելի բարելավումները հանդիսանում են հիմնադրի սեփականությունը:

41. Կազմակերպության գույքը ստեղծվում է հետևյալ աղբյուրների հաշվին՝

- 1) պետական գույք, որը հանձնվել է Կազմակերպությանն անհատույց,
- 2) պետական բյուջեից պետական պատվերի համար, ինչպես նաև այլ ձևերով հատկացված միջոցներ,
- 3) Հայաստանի Հանրապետության և օտարերկրյա պետությունների իրավաբանական և ֆիզիկական անձանց նվիրատվություններից,
- 4) Հայաստանի Հանրապետության օրենսդրությամբ չարգելված այլ աղբյուրներից:

V. ԿԱԶՄԱԿԵՐՊՈՒԹՅԱՆ ՇԱՀՈՒՅԹԻ ՕԳՏԱԳՈՐԾՄԱՆ ԿԱՐԳԸ

42. Կազմակերպության գործունեության ընթացքում առաջացած շահույթն օգտագործվում է նրա կանոնադրությամբ նախատեսված նպատակների իրականացման համար:

43. Կազմակերպությունը հարկերը, տուրքերը և այլ պարտադիր վճարումները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

VI. ԿԱԶՄԱԿԵՐՊՈՒԹՅԱՆ ԽՈՇՈՐ ԳՈՐԾԱՐՔՆԵՐԸ

44. Խոշոր են այն գործարքը կամ մի քանի փոխկապակցված գործարքները, որոնք կապված են կազմակերպության կողմից ուղղակիորեն կամ անուղղակիորեն գույք ձեռք բերելու, օտարելու կամ օտարելու հնարավորության հետ, որի արժեքը կազմում է նման գործարքներ կատարելու մասին որոշման ընդունման օրվանը նախորդող եռամսյակում տրված հաշվապահական հաշվետվության կազմակերպությանը սեփականության իրավունքով պատկանող գույքի արժեքի 50%-ից ավելին: Խոշոր չեն այն գործարքները, որոնք կատարվում են առօրյա գործունեության ընթացքում և համարվում են կազմակերպության կանոնադրական խնդիրներից ուղղակիորեն բխող գործառույթ:

45. Խոշոր գործարքը կատարվում է նախարարության համաձայնությամբ:

46. Սույն գլխի պահանջների խախտմամբ կատարված խոշոր գործարքը կարող է դատական կարգով ճանաչվել անվավեր կազմակերպության հիմնադրի կամ Նախարարության հայցի հիման վրա:

VII. ՎԵՐԱՀՍԿՈՂՈՒԹՅՈՒՆԸ ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ՆԿԱՏՄԱՄԲ

47. Կազմակերպության ֆինանսական գործունեության նկատմամբ վերահսկողությունն իրականացնում են հիմնադիրը, հիմնադրի կողմից լիազորված նախարարությունը, ինչպես նաև օրենքով նախատեսված պետական կառավարման այլ մարմիններ:

48. Կազմակերպության ֆինանսական գործունեությունը ենթակա է վերստուգման (աուդիտի) Նախարարության կողմից ընտրված անկախ աուդիտորական կազմակերպության կամ Հայաստանի Հանրապետության ֆինանսների նախարարության կողմից:

49. Կազմակերպությունը հիմնադրի կողմից սահմանված կարգով պարտավոր է հրապարակել իր տարեկան ֆինանսական հաշվետվությունը:

VIII. ԿԱԶՄԱԿԵՐՊՈՒԹՅԱՆ ՎԵՐԱԿԱԶՄԱՎՈՐՈՒՄԸ ԵՎ ԼՈՒԾԱՐՈՒՄԸ

50. Կազմակերպությունը կարող է վերակազմավորվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով: Կազմակերպությունը կարող է վերակազմավորվել 100 տոկոս պետական մասնակցությամբ ընկերության կամ հիմնադրամի:

51. Կազմակերպությունը դատական կարգով կարող է վերակազմավորվել օրենքով սահմանված դեպքերում և կարգով:

52. Կազմակերպության լուծարմամբ նրա գործունեությունը դադարում է, առանց իրավունքների և պարտականությունների իրավահաջորդության կարգով այլ անձանց անցնելու:

53. Կազմակերպությունը կարող է լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով: Կազմակերպությունը կարող է լուծարվել նաև սնանկության հետևանքով:

54. Կազմակերպությունը դատական կարգով կարող է լուծարվել միայն օրենքով նախատեսված դեպքերում և կարգով:

55. Կազմակերպության լուծարման դեպքում Կազմակերպության պարտատերերի պահանջները բավարարելուց հետո մնացած գույքն ուղղվում է պետական բյուջե:

Судебная палата Верховного суда Республики Беларусь
Судебная палата Верховного суда Республики Беларусь



